



96008

96010

P

BIBLIOTHECA
UNIVERSITATIS
JAGIELLO-
NICAE
CRACOVIAE

Teol. 3627.



N. f. 47
2

XXIV.

7d.

Bembus M. antm Zuckoronski.

MONITA SALV- TARIA

*Data anonymo auctori scripti nuper editi,
cui titulus falsò inditus,*

MONITA PRIVATA Societatis IESV.

I. IOAN: 2.

*Ex nobis prodierunt, sed non erant ex nobis. Nam si fuissent ex nobis,
permanissent utique nobiscum. Sed ut manifesti sint, quoniam
non sunt omnes ex nobis.*

PSAL: 40.

*Qui edebat panes meos, magnificavit super me
supplantationem.*

PSAL: 108.

Maledicent illi, & tu benedices.



Anno Domini, 1615.

XXIV. 2. 71.



D. August: Epist: 137.

Simpliciter fateor charitati vestra coram Domino Deo nostro, qui testis est super animam meam, ex quo Deo servire cæpi, quomodo difficile sum expertus meliores, quam qui in Monasteriis profecerunt: ita non sum expertus peiores, quam qui in Monasteriis ceciderunt. Ita ut hinc arbitrer scriptum in Apocalypsi: Iustus iustior fiat, & sordidus sordescat adhuc.

Ibidem.

Etsi contristamur de aliquibus purgamentis, consolemur tamen etiam de pluribus ornamentis. Nolite ergo propter amurcam, qua oculi vestri offenduntur, torcularia detestari, unde apotheca Dominica fructu et ei luxuriosioris implentur.



96008

ANNO 1808

BIBLIOTHECA
UNIV. JACOELL.
ORACOVENSIS

Ad candidum Lectorem.

Monitum te velim, Candide Lector, si fors in scriptum quoddam, cui titulus, MONITA PRIVATA Societatis IESV, incideris: scito non esse ista Monita Societatis, neque ex eius unquam officina produsse, neq ad eam quoquomodo pertinere. Lusus est iste cuiusdam Simiae. Demosthenes quodam Aeschinem, simiam tragicam appellavit, quod personatus quodammodo verborum gravitate videretur, cum alioquin moribus & genere vitae, ab officio viri boni & gravis plurimum abesset. Notum etiam est, Simiam gestus & motus humanos effingere ridiculè conari, sed perfectè assequi non posse. Denique fo-
nem ipsum fabulantur Poëtae, quarundam insularum homines, ob insignem eorum impudentiam, in simias commutasse. Qua de re Ovidius:

Quippe Deum genitor fraudem & periuria quondam
Cercopum exosus, gentisq; admissa dolose,
In deformem viros animal mutavit: ut iidem
Disimiles homini possent, similesq; videri.

Metam:
lib: 14.

Author iste Monitorum praedictorum quisquis est, plusquam tragica simia est, non à Ioue, sed à propria Vesania & temeritate, in simiam, animal minimè verecundum, commutatus. Legit iste aliquando MONITA GENERALIA Societatis IESV, cum adhuc in Societate viueret: nam quicquid ipse celet & dissimulet, satis apertè prodit, se aliquando Societatis alumnum fuisse. Ad eorum Monitorum normam & imitationem, sua quoque ipse Monita privata consingere, & sub nomine Monitorum Societa-

tis statuit enulgare. Sed simia est simia, animal & rati-
onis, & pudoris omnis expers. Lulum fecit sibi hæc simia,
Societatem IESV, quæ illum aliquamdiu ut creditur,
parentis instar aluit & fovit. Sed lulum amarum, mor-
dace, & doli versutiaq; plenum, qualem non sanè ab
alio quàm ab eo, quem veluti abortivum tandem è sinu
suo iustis de causis Societas proiecisset, expectare potuit.
Tu ergo candide Lector, si in manus tuas huiusmodi Mo-
nita venerint, tanquam spurium factum, fraude doloq; ma-
lo Societati suppositum, despue & abiice, & veru atque
obelisco confige: memor illius Cyrilli, Nihil esse facilius,
quàm mentiri & temerè vituperare. Vale.

Lib. 10. con-
tra Iul.

MONITA

Monitori data.



ON te refutandum, ô Monitor, sed admonendum duxi. Nam vno verbo refutari potes. si dicam quod res est, Monita tua non esse Monita, sed mendacia & figmenta è cerebro tuo male sano enata, non ex vlla Societatis officina profecta, ad infamiam tamen & dedecus Societatis conciliandum, à te malè cōcinnata. Simili refutatione vsus est. Neemias, cū ei Sanaballat hostis Iudaici nominis, epistolam criminatōnibus plenam obtulisset. Respondit enim: *Non est factum secundum verba hæc quæ tu loqueris. De corde enim tuo tu componis hæc.* Idem tibi à me dictum respōsionis loco puta. Non est factum in Societate secundum verba hæc, quæ tu loqueris: De corde enim tuo tu hæc composuisti.

2. Esdr: 6.

Itaque paucis refutandus es: sed monendus pluribus.

Ad certa capita admonitionem totam reuocabo.

MONITVM I.

Consideret Monitor, quo spiritu ductus, animum ad scribendum Monita Societatis appulerit.

ET si non si m nescius, scriptum alicubi esse à Gregorio Nazianzeno, rem quandam esse considerationis expertem maliciam: ego tamen, quod non omnino de reditu ad sanio rem mentem nostri Monitoris desperem, ad aliquas perutiles & pernecessarias ipsi considerationes, illum reuocare decreui. Primū ergo omnium Monitor consideret, secumque reputet diligenter, quis eum spiritus ad Monita Societati conscribenda & tradenda perpulerit. Ego non ambigo spiritum hunc Dei non fuisse. Spi-

Orat: 1. c. 8.
tra Iulian.

2. 2. q. 60.
2. 4.

ritus enim Dei verax est, spiritus autem Monitoris mendax. Spiritus Dei syncerus & minimè fucatus est: spiritus aut Monitoris est hypocriticus, dolis & sycophantiis plenus. Spiritus Dei author est, aliorum facta, etiam dubia, in meliorem partem interpretandi, quam doctrinam cum D. Th. communi consensu amplectuntur Theologi: spiritus autem Monitoris, omnia illa quæ à Societate optimo consilio fiunt, nec à quoquā meritò in suspensionē vel crimen vocari possunt, in pessimam partem malitiosè exponit & detorquet. Quis ergò est spiritus iste? Ego quidem non alium puto, quàm eum qui aliquando Celsum Epicureum, qui Porphyrium & Hieroclem, Christianæ religionis desertores, ad scribendum contra eandem religionem concitârat. Qui enim spiritus, vniuersum Christianæ religionis corpus, multis calumniis & criminationibus, per homines potissimùm eiusdem religionis desertores, aliquando exagitauit; idem etiam peculiaria eius membra, quales sunt religiosi Ordines, maximè per eorundem Ordinum desertores, exagitare subinde non cessat.

Baron: A.
D. 132.
p. 17.

Ac mihi quidem, Celfo Epicureo persimilis Monitor iste, in nonnullis videtur. Nam imprimis Celsus libros suos, quibus Christianam religionem insectatus est, nobili titulo nimirum, VERI SERMO, illustrauit & inscripsit: cum tamen nonnisi cauillis, mendaciis & prauis mysteriorum fidei nostrę interpretationibus, libri illi constarent. Sic & Monitor iste cauillis, mendaciis, sycophantiis, malitiosis interpretationibus, scriptum suum, quantum quantum est infartum, nobili titulo Monitorum priuatorum Societatis inscripsit. Celsus complura ex his quæ in Euangeliiis leguntur sugillabat, & blasphemis conuitiis inessebat, vt Origenes qui eum confutauit testatur. Sic iste Monitor complura ex his quæ in Societate sanctè & religiosè præcipi, vsurpariq; viderat, sugillat, & commeritis suis sinistris in inuidiam vocat: Celsus testabatur se cum Christianis vixisse, & nostrę religionis cōmentarios perlegisse, nihil

nihilque se fugere, sed omnia nosse, proinde rectè de tota religione iudicare posse. Et Monitor noster, ita Monita- sua confecit, vt se in Societate aliquamdiu vixisse, & Soci- etatis institutum probè pernouisse, nihil se proinde eorum quæ fiunt in Societate fugere, nullum arcanum latere, sed omnia sibi perspecta esse & explorata non dubiis argu- mentis ostendat. Ipse quidem agnosci non vult, vxorem Ieroboam imitatus, malè scilicet causæ suæ diffusus; sed sicut vxori Ieroboam dictum est: *Quare aliam te esse simulas?* 3. Reg: 16. sic & Monitor iure optimo dici potest: *Quare te alium sci- licet Generalem aliquem Societatis Præpositum, ad quem Monita Societati præscribere spectat simulas?* *Pone fili,* di- cebat S. Benedictus Spathario Regis Totilæ dum se Toti- lam esse mentiretur, *Pone hoc quod portas, non est tuum.* *Pari* D. Greg: lib: 2. dial. cap: 14. modo & tu Monitor, pone laruam qua vultum obnubis. Non monere tuum est desertoris, sed cauillari & fraudes technasq; fabricare. Denique Celsus quas in religionem Christianam excogitauerat strophas & calumnias, dolose concinnauit, nec apertè, sed occulto Marte pugnavit, men- dacia sua, versutus impostor, fucatæ veritatis specie, mi- rum quàm artificiosè velauit. Non absimili ratione Moni- tor oppugnare Societatem est aggressus. Non ei apertum bellum intulit, sed fraude doloque agere decreuit. Impos- turas suas & figmenta, pro Monitis Societatis in vulgus edidit, & hanc veluti laruam quamdam plurimis fraudi- bus suis & mendaciis prætexuit.

Sed est etiam in quo eum præterea cum Porphyrio Apostata comparem. Nam Porphyrium constat aliquan- do Christianum fuisse. Sed cum Cæsareæ Palæstinæ à qui- busdam Christianis reprehensus esset, & præ graui qua ar- debat iracundia, reprehensionem illam ferre non posset, religionem Christianam deseruit: & odio illorum qui e- um obiurgauerant cœcatus, præcipiti studio, totum se ad scribendum, & maledicè ac contumeliosè lacerandam re- ligionem contulit. Certè Monitorem nostrum, nimis quàm

Socr: li. 3.
cap: 19.

quàm vehemens coniectura est, alumnus Societatis aliquando fuisse: sed vel seueriorem eius disciplinam, & pro delictis reprehensiones & castigationes perosum, ab instituto descivisse: vel ut noxium humorem à corpore Societatis nauseabundo, ex intimis visceribus esse proiectum. Quæ res illum in Superiores Societatis, vehementius odio & malevolentia incendit, ut eorum veluti nomine, Monita Societatis confingeret, & piam religiosamque sociorum, ad suas functiones ex regularum præscripto obeundas, institutionem, & administrandæ religionis totius modum, sycophantijs suis in odium & turpissimæ imposturæ suspicionem vocaret. Porphyrius præterea, ut author est Lactantius, ineptus, vanus, ridiculus in scribendo contra religionem Christianam apparuit, ita ut quid loqueretur nesciret. Diceres Monitorem hunc à Lactantio descriptum. Non ovum ovo magis simile, quàm hic Porphyrio.

Quod denique ad Hieroclem attinet, is eodem Lactantio authore, cum Christianum nomen persequi vellet, libellos duos non contra Christianos, ne inimicè insectari videretur, sed ad Christianos, ut humanè & benignè consulere putaretur, composuit. Mirum nō in Hieroclis schola, Monitor quoque noster sit institutus. Nam & is scriptum edidit, specie tenus non contra Societatem, ne eam inimicè insectari videretur, sed ad Societatem, Monita ei præscribendo, ut ei humanè & benignè consulere putaretur. Hierocles præterea, inquit Lactantius, adeò multa, adeò intima religionis Christianæ capita numeravit, ut aliquando ex eadem disciplina fuisse videretur: *Quod si fuit, inquit Lactantius, quis eum Demosthenes poterit ab impietate defendere? qui religionis cui fuerat assensus, & fidei cuius nomen induerat, & sacramenti quod acceperat, proditor factus est.* Hæc Lactantius in Hieroclem, quæ in se quoque convenire Monitor, si quid habet conscientia, planè animadvertet. Quis enim eum Demosthenes poterit ab impietate defendere, qui

qui Societatis, cuius institutum erat complexus, & cui se voto reuinxerat, proditor factus est, tam turpiter eam traducendo, & omnium, quantum in ipso est, ludibrio exponendo. Eundem Hieroclem vocat Lactantius delirum caput, & discipulum Anaxagoræ, cui niues atramentum fuerunt. Adhæc subdolum appellat, qui lupum sub ouis pelle regere voluisset, vt fallaci voluminis contra Christianos editi titulo, posset irretire lectorem. Monitor noster, ipse est Hierocles nouus, à Lactantio tam graphicè descriptus. Horum ergo trium Christianæ religionis hostium, spiritu afflatus noster quoque Monitor, animum ad vexandam Societatem appulit; vel hoc solo nomine miserandus, si se tam mali spiritus instinctu impulsus, ad sua commenta in lucem prodenda, non animaduertit.

Sed videtur præterea spiritu eodem plenus iste Monitor, quo Agrestinus quidam, Luxouiensis quondam Monasterij desertor erat imbutus. De quo libet nonnulla ex Iona Abbate, rerum sui temporis accurato scriptore, commemorare. *Liuidus*, inquit, *Chelidrus*, (ita spiritum Agrestini Ionas describit) cum videret *Eustasium Luxouiensis Monasterij Abbatem*, omnium Francorum Procerum honore fulciri, & præcipuè Clotarij regis amore ac veneratione lucere; exarsit more suo aduersus sancti viri famam, & vnum ex subditis eius, contra eum, Agrestinum nomine, excitauit, &c. Profectò eidem diabolo Liuido Chelidro, id præcipuè nunc dolet, quòd videat Societatem, Regum, Principum & Procerum amore & veneratione lucere. Exarsit ergo more suo, & aduersus sanctæ religionis famam, vnum ex eius quondam Alumnis excitauit. Pergit Ionas de Agrestino: *Is quadam compunctione cordis tactus, omnia quæ possidebat relinquens, & Luxouium veniens, se & sua omnia venerabili Eustasio tradiderat; is, inquam, religionis speciem in Monasterio gestans, post non longum tempus conuersionis, arrogantia mentis elatus, postulat vt gentium prædicator esse permetteretur. Quem vir sanctus diu obiurgans increpabat. Sed cum dissuasione nihil proficeret, quem tenere non*

In vita S.
Eustasii.

B

valet,

*valet, ire permittit : nec multò post redeuntem, & nihilo meliorem
 factum, cum salubri antidoto, mentem eius peste corruptam, curare
 nequisset, à suo suorumq; collegio tandem segregatum abire coëgit.
 Videat seipsum in hoc veluti speculo, Monitor, an non
 quidpiam simile, precibus obtinere aliquando à Superio-
 ribus Societatis contenderet, quod cum ei meritò esset ne-
 gatum, ita se deinceps gesserit, vt instar Agrestini, corrup-
 tam peste mentem habentis, vel à Societate tandem di-
 scedere iussus sit, vel cum in ea diutius teneri non posset,
 ire sit permissus. Subdit Ionas: *Fugatus ab Eustasio misera-
 bilis Agrestinus, huc illucq; diuertit, vt aliquos sui erroris fautores
 facere posset. Num & in hac parte non Agrestino iste simi-
 lis? Tandem, inquit Ionas, aduersus regulam B. Columbani, cu-
 ius discipulus Eustasius fuerat, Liuido dente Agrestinus garrire cœ-
 pit, ac veluti canosa sus gruniens, per quoscunq; potuit, parilitatis
 sue similes, abominabile murmur excitauit. Hac Ionas. Non ab-
 simile consilium noui huius Agrestini. Monita particu-
 laria Societatis confinxit, in quibus institutum, discipli-
 nam, munia à Societate obire solita, Liuido dente arro-
 dit, id vnum spectans, vt per quoscunq; posset parilitatis
 sue similes. (vtar enim verbis Ionæ) abominabile aduersus So-
 cietatem murmur excitaret. Ad extremum, videtur iste Mo-
 nitor, in Monitis Societati præscribendis, eius spiritus du-
 ctum secutus, à quo non ita multo ante impulsæ hæretici
 Caluinistæ, Compendium priuilegiorum Iesuiticorum vul-
 garunt, quod non tam Societatis priuilegiorum compen-
 dium, quàm mendaciorum Caluinisticorum Ilias fuit.
 Quem spiritum Dei non fuisse, ne ipse quidem Monitor,
 quem Catholicum esse non dubito, ambigere poterit. Quòd
 si tandem à me scire cupit Monitor, vt perspicuis verbis e-
 loquar, quis eum spiritus ad monendam Societatem im-
 pulerit? Dicam cum S. Cypriano: *Hoc semper est opus diabo-
 li, vt seruos Dei mendacio laceret, & opinionibus falsis gloriosum
 nomen infamet, vt qui conscientie sue luce clarescunt, alienis ru-
 moribus sordidentur.***

Epist. : 52.

MONI-

MONITVM II.

Consideret diligenter quàm recte Monitoris partes egerit.

NEc minùs illud Monitor diligenter consideret, recte-
né an secus, suas in monenda Societate partes, Moni-
toris expleuerit. Monitoris eius, qui monita toti alicui
Ordini religioso præscribit, munus & graue & sanctum
est. Graue, quia authoritatis & potestatis in religionem
pondus requirit: Sanctum, quia ad perfectionem religio-
sam, quam esse conuenit sanctam, religiosos prouehere
Monitor eiusmodi debet. Tali munere Monitoris, noster
Monitor fungi non potuit; nam quæ illi in Societatem,
à qua desciiuit authoritas? quæ potestas? Sanctitatem ve-
rò aliquam, quæ possunt eius Monita spirare, quæ merè
sunt imposturæ, hominis & propriæ conscientiæ, & alie-
næ famæ, rationem nullam ducentis? Adhæc necesse est,
Monitorem Ordinis religiosi, prudentia & charitate insi-
gni præditum esse. Noster Monitor, pro prudentia frau-
dibus & dolis, pro charitate odio & inuidia, pectus suum
instruxit. Eumne ergo vt quisquam verum Monitorem,
& veri Monitoris officio functum putet? Cuius ergo par-
tes fictus iste Monitor egit? Fatebor quod res est, sycophantiæ,
Simiæ, Scorpîi. De sycophanta sic probò. Necesse est eum
non vulgarem sycophantam esse, qui assumpta viri boni
specie id vnum agit, vt quàm plurimos ad sycophantias
& artes callidas & veteratorias, certis quibusdam præce-
ptionibus & monitis instituat: & cum id agat, nihilomi-
nus vir bonus & religiosus, & ad pietatem omnia referens
haberi velit. Tatis est Monitor noster; nam eum talem es-
se, Monita ipsa loquuntur: quæ non aliud fermè sunt, quàm
præceptiones de fallaciis, fraudibus, simulata pietate, &
sycophantia, sub nomine religioso exercenda. Necesse
est, ergò eum non vulgarem sycophantam esse, qui tam
rectè in suis Monitis sycophantæ munus expleuerit. No-
lim coetum aliquem sui similiùm cōgregaret, quos præce-

ptis suis ad versutiam omnem & simulationem institueret. Nam sycophantarum plena omnia haberemus.

Diceret quispiam. Nonnullorum opinio de hominibus Societatis est, eos esse versutos, fucatos, qui per speciem pietatis, multa ab instituto religioso aliena faciant, ac proinde tales ab isto Monitore esse descriptos. Duo sunt quæ respondeam. Primum. Nihil esse mirum, nonnullos eam de Societatis hominibus opinionem conceptam animo habere: quia nihil mirum est, nonnullos esse qui virtutem vitium putent, qui ex suo ingenio alios metiantur, qui de nemine rectè existimare norint, qui omnia rectè facta aliorum, in deteriorem partem exponunt: vno verbo, si nihil mirum est non deesse in mundo Zoilos, inuidia, malevolentia & odio plenos; nihil etiam mirum est, non deesse qui de Societate pessimè & sentiant, & loquantur, & scribant. Tolle de mundo Zoilos, Societas eo loco quem meretur ab omnibus habebitur, neq; Societatis homines vlla deinceps infamia laborabunt. Sed si fieri nequit, ut mundus omnino Zoilis careat, nec illud erit ab hominibus Societatis exigendum, ut omnes prorsus calumnias & sinistras omnium suspiciones euadât. Est aliud quod cum D. Gregorio Nazianzeno, insigni & sanctitate, & doctrina viro respondeam. Is ergo cum à Zoilis & obrectatoribus maleuolis, nonnulla criminis loco essent ei obiecta, & id potissimum inculcatum, quòd multi de eo pessimè sentirent, in hunc modum pro se respondit. *Multis secus de me videtur? Quid verò mea interest, qui rei veritatem magis curo, imò solùm curo? Hoc enim vel me condemnauerit, vel absoluerit, hoc miserum vel beatum reddiderit. At quid aliis videatur, nihil ad nos, quemadmodum nec alienum somnium. Non ita aliis videtur ais? An iis qui vertigine correpti sunt, terra fixa & stabilis esse videtur: an ebriis qui sobrii sunt, integra mente esse, ac non potius in caput incedere, ac sursum deorsumq; moueri? An non quibusdam interdum hominibus mel amarum est, nempe morbo laborantibus maleq; affectis? At non propterea res ita se habeat, ut qui hoc statu* *sunt*

sunt arbitrantur. Quocirca fac prius fidem sanos esse eos, qui de nobis ita sentiunt, ac tum nos admone, ut meliorem mentem induamus, aut condemna nisi consilio tuo pareamus, sed in eadem sententia perstemus. Non ita multis videor? At Deo ita, imò non videor, sed perspicuus & manifestus sum ei, qui omnia priusquam oriantur nouit, qui corda nostra, omnes motus & cogitationes, cum quibus res à nobis geruntur, intelligit, quem nihil eorum quæ sunt latet aut latere potest, qui aliter res nostras intuetur, atque mortales solent, (homo enim, si scriptura fides habenda est, videt in faciem, Deus autem cor intuetur) cuius iudicium cordatis hominibus pluris faciendum, magisq; curandum est, quàm omnium aliorum in vnum collectorum, &c. Hæc Nazianzenus pro se, quibus nihil accommodatiùs pro Societate quoque potest responderi.

Iam ostendam breuiter, quomodo Monitor noster, ut simia & scorpius se gesserit. Principio faciem & gestum hominis, quod simia solet, ostentare videbatur, assumpta beneuoli Monitoris larua: sed breui interuallo monstrauit se quod erat, meram esse simiam, hoc est, hominem conscientia & pudoris expertem. Scorpius quoq; ut obseruauit D. Gregor: palpando incedit, cauda ferit, nec mordet à facie, sed posterioribus nocet. Cui comparat idem Doctor, homines blandos sed malitiosos, qui clam quæ possunt noxia immittunt, & mortifera inferre occulti non desinunt. Tu ô Monitor talis es scorpius, palpando incedere cœpisti, sed cauda vulnus, in extremo tuo scripto mortiferum inferre, & posterioribus nocere voluisti. Collegisti testimonia de Iesuitis, quorundam Italarum & Hispanorum; Agnosco consuetam mentientium artem, qui à quibusdam ea dicta esse, quæ ipsimet confinxerunt mentiri solent. Quam artem obseruauit in Ruffino Hieronymus: Poteram, inquit, & ego in te falsa congerere, & dicere, me vel audiuisse, vel vidisse, quæ nullus norat, ut apud ignorantes impudentia, veritas videretur, &c. Nec mihi difficile esset nonnullorum testimonia de te confingere, sed impudentia tecum certare nolo. Vnum peto: Quinam sunt illi

*Homil: 9.
in Ezech.*

quidam Hispani & Itali, qui tam præclarum Societati testimonium dederunt, quod eius Patres sint arte iniqua, fraude dolosa, dolo maligno? Fors tui similes religionis desertæ iurati hostes? Facile concedo. Sed eorum testimonium nihil moror. Legi enim scriptum: *Homo apostata vir inutilis, graditur ore peruerso, prauo corde machinatur malum, & omni tempore iurgia seminat.* Similiter quod de Creten sibus ex quodam Poëta scripsit Apostolus, id in apostatas perbellè conuenit: *Creten sēs (Apostatæ) semper mendaces, mala bestia, ventres pigri.* Sed age, quæro iterum, cur istorum quorundam testium nomina non edidisti? Scilicet, vt liberiùs mentiri possēs. At verò ait præclarè Gregor: *Quisquis veraciter loquitur, semetipsum innotescere non debet formidare.* Tu Monitor neque temetipsum, neq; testes quorum testimonia recitas, vis in aliorum noticiam venire: non ergo veraciter loqueris, sed mentiendo occidis animam tuam. Quod verò ex Polonis Episcopos summæ authoritatis, Maciejouium, & Radiuillum Cardinales, Sulicouium Archiepiscopum Leopoliensem, & Myscouium Episcopum Cracouiensem, vt testes contra Societatem, nostra simia & scorpius producit, incredibilem suam impudentiã ostendit. *Quis enim credat viros illos, qui Societatem & optimè nouerant, & vnicè coluerant & dilexerant, ea quæ iste recitat, commutata sententia & voluntate de eadem Societate scripsisse? Quis verò ei prædictorum Antistitum literas monstrauit? Vbi nam vel ipsa autographa literarũ, vel earum ex fide descripta exemplaria vidit? O impostor, quàm crasso nõ filo, sed fune potius tuas imposturas conrexiisti? Talesne vt epistolas, viri grauissimi, tam leues, tam insulas, tam mordaces, & talibus verbis scripserint? Sed illud perfugium, imposturæ tuæ paratum habes, quod tanti viri obierint, qui si nunc viuerent, os tuum impudens quo meritus es conuitio verberarent. Concludo, monitor noster in toto suo scripto non Monitoris, sed sy-cophantæ, & simiæ, & scorpij munus expleuit.*

MONI-

M O N I T V M I I I .

Consideret Monitor, quam sit fidem apud probos homines habiturus.

NEc illud prætermittat Monitor, quin accuratè consideret, quam sit fidem apud probos homines cum suis Monitis habiturus. Sunt enim duo præcipuè, quæ fidem ei omnem adiment. Vnum: quia vt creditur, Societatem quam complexus aliquādo fuerat, turpiter deseruit, à qua diutiùs non potuit iustas ob causas retineri. Notus autem est omnibus genius desertorum religionis. Nam quod ipsi vel egerunt vel agerent, id per summam impudentiam vniuerso Ordini affingunt, vt inconstantiam & defectiōnem suam excusent & obtegant. Cùm de S. Cornelio Pontifice, à desertoribus fidei sparsum esset, eum passim communicare sacrificatis, respōdit S. Cyprianus: *Hoc de Apostatarum fictis sermonibus nascitur. Neque enim possunt laudare nos, qui recedunt, aut expectare debemus vt placeamus illis, qui nobis displicentes, & contra Ecclesiam rebelles, sollicitandis de Ecclesia fratribus, violenter insistant, &c.* Audiat Monitor eadem sibi à probis viris dici; Non potest laudare Societatem, qui ab ea recedit, odio scilicet disciplinæ ductus, neq; expectare Patres debent vt placeant illi, qui contra Ordinem eorum rebellis, alios quoque contra eam commouere violenter insistit.

Epist: 25.

Alterum: Quia difficilem admodum, ne dicam impossibilem prouinciam Monitor suscepit. Vult enim hominibus persuadere, eos, qui Societatis institutum sequuntur, ad artes sycophanticas & veteratorias ac parasiticas, ab ipsa religione certis monitis & præceptionibus institui. Hoc quis nisi vel hæreticus, vel emotæ mentis homo credat? Nam boni & prudentes quique, cùm aliquem ex religiosis, ab officij religione vident in re quapiam deflectere, succensent quidem personæ, non tamen ex eius vnius moribus, de alijs religiosis eiusdem

Lib: 3. con-
tra Rust.

Epist: 137.

Opusc: 19.
6. 20.

Epist: 137.

dem Ordinis existimant. Sed illud Tertulliani cogi-
tant: *Etiam de oliua mitis & opima & necessaria nucleo, aspe-*
rum oleastrum exoriri. Lustrauit, scribit, alicubi de se S. Hieron:
Monasteria Nitria, & inter Sanctorum choros, aspides latere perspe-
xi. S. Augustinus religiosi Ordinis parens & moderator,
ita prater cetera ad clerum & plebem Hipponensem pro
fuorum religiosorum fama scripsit: Quantumlibet vigilet
disciplina domus mea, homo sum, & inter homines uiuo. nec mihi
arrogare audeo, ut domus mea melior sit quam arca Noë, ubi tamen
inter octo homines reprobis unus inuentus est; aut melior quam
ipsius cohabitatio Domini Christi, in qua undecim boni, perfidum
& furem Iudam tolerauerunt: aut melior sit postremo quam cælum,
unde Angeli ceciderunt. &c. Hoc ergo animo & sententia, sunt
viri boni, & prudentes, erga Ordines religiosos, in quibus
prauos aliquando reperiri nonnullos non ignorant, sed
culpam illorum & infamiam, ad alios instituti socios non
extendunt. Qui verò maleuoli sunt & pessimè erga religi-
ones affecti, hoc esse ingenio solent, ut si quando vnum,
vel alterum religiosum, alienos à sua regula mores habe-
re, vel in crimen aliquod lapsum esse intelligant; idem ab
omnibus crimen admitti, & reliquos moribus non esse ab-
similes arbitrentur. Extendunt, inquit, S. Thom: crimina re-
ligiosorum, quoad personas, ut scilicet quod ab vno vel duobus geri-
tur, toti religioni imponere præsumant; quæ etiam si ab aliquibus ali-
quando fiant, nullatenus sunt totali collegio imponenda. &c. Ex-
pertus est huiusce ingenij homines S. Augustinus, contra
quos illa præclare: Ad quid aliud sedent isti, nisi ut quisquis mo-
nachus vel sanctimonialis ceciderit, omnes tales esse credant, sed non
omnes posse manifestari. Et tamen etiam ipsi cum aliqua maritata
inuenitur adultera: nec proijciunt uxores suas, nec accusant matres
suas. Cum autem de aliquibus, qui sanctum nomen profitentur, ali-
quid criminis vel falsitatis sonuerit vel veri patuerit, instant, sata-
gunt, ambiunt, ut de omnibus hoc credatur. &c. At verò nulli ni-
si vel hæresibus deprauati fuerint, vel de mentis potesta-
te penitus exierint, persuaderi sibi patiuntur, errores & pec-
cata,

cata, quæ à religiosis interdum admittuntur, ex ipsius Ordinis religiosi disciplina proficisci, quin potius instituta religiosa commendant omnes, mores verò quorundam religiosorum minus religiosos culpant & damnant, & eos à vitæ ipsorum formula discrepare dolent. Quia ut rectè ait Bonau : *de his quæ irrationabiliter fiunt, reddi non potest ratio congrua.* Unde si aliqui sub habitu religionis tales aliquando videntur, non est alia ratio nisi eorum imperfectio. &c. Hæc ille. Quare nisi vel in hæreticorum, vel hominū emotæ mentis gratiam, Monitor sua conscripserit Monita, nemini persuadebit, ut credat homines Societatis, ad versutias & lycopantias, & modum hypocriticè agendi, ab ipsa religione & eius Moderatoribus informari. sed in calumniatore & hoste quis requirat nocendi moderationem? Non sunt contenti, inquit de talibus D. Thom : *qualibet mala consingere, sed gravissima, quibus religiosos suspectos reddant, & hominum Societate indignos, & omnibus odiosos, & ut eos sua detracti- que plenius opprimant, eis imponunt mala illa, quæ in Ecclesia pessima inueniri possunt, &c.* Hoc iste Monitor fecit. Malum quod in Ecclesia pessimum inueniri potest, scilicet sub habitu religioso veteratorem agere, & non animarum sed pecuniarum lucro attendere. Voluit impingere ipsi Societati; ut eius alumnos hominum Societate indignos, & omnibus odiosos redderet. Sed enim hoc nemini puto bono, prudenti & Catholico viro persuadebit.

Quest: 20.
in Regula
S. Franc.

Opusc: 19.
c. 22.

M O N I T V M IV.

Consideret Monitor, quid pro suis Monitis præmij à Deo expectare debeat.

AD extremū veniat crebrò in mentem Monitori, quod sit præmium à Deo, pro labore in Monitis cōscribendis & Societati tradendis insumpto relaturus. Ac inprimis reputet secum illud quod scriptum est: *Spes hypocritæ peribit, non ei placebit vecordia sua, & sicut tela aranearum fiducia eius,*

Job 8.

eius. Monitor quidem sperat se plurimum scripto suo Societati nociturum, & in summum odium omnium Socios adducturum: Sed è contra Societas magna spes est, fore ut Deo innocentiam seruorum suorum defendente, spes istius hypocritæ pereat & euanescat. Cùm Ionâthas summus sacerdos & dux populi Israëlitici, venisset Ptolemaidem ad Alexandrum Regem, conuenerunt aduersus eum, ait
1. Mac: 10. *scriptura, viri pestilentes ex Israël, viri iniqui, interpellantes aduersus eum. At quo profectu? Et non intendit ad eos Rex. Et iussit spoliari Ionatham vestibus suis, & indui eum purpura, & ita fecerunt. Et factum est, ut viderunt qui interpellabant, gloriam eius qua prædicabatur, & opertum purpura, fugerunt omnes. &c.*
 Ecce quid sint cōsecuti Zoili isti suis criminationibus, aduersus populi Antistitem & Ducem. Idipsum consequi solent religiosorum hostes & criminatores, postquam industria suæ neruos omnes, ad eos opprimendos & ignominia afficiendos contulerunt. Nam non modò criminationibus eorum, non abolefcit religiosorum apud homines honor, sed etiam maior in dies efflorescit. Quod cùm accidit, non placet hypocritis vecordia sua, & sicut telas aranearum fiducia eorum. Euiscerarunt sicut araneæ se ipsos, telas mendaciorum contra religiosos contextentes, quas leuissimus quisq; flatus perrumpet: ipsis interim se ipsos vecordiæ & amentiae damnantibus. *Peccator, ait Dauid, videbit iustum, quem opprimere nitebatur florentem, & irascetur. dentibus suis fremet & tabescet: desiderium peccatorum peribit.*

Psal: m.


Deinde expedit cum primis, ut Monitor intelligat quid mercedis Agrestinus ille, qui S. Columbani institutum, maligno dente arroserat, à Deo sit consecutus. Refert Ionas Abbas, S. Eustasium cum cauillos Agrestini, & obiectionculas leuissimas contra Regulam S. Columbani in medium allatas, multis audientibus refelleret, tandem in hæc verba prorupisse: *In præsentia omnium horum qui præsto sunt sacerdotum, ego eius (id est Columbani) discipulus & successor,*


cessor, cuius tu (Agrestinum compellabat) disciplinam & instituta damnas, te ad diuinum iudicium cum eo, intra presentis anni circulum causaturum inuito, ut iusti iudicis examine sentias, cuius famulum tuus detractionibus maculare procures. Quid tum factum? Refert idem: Cum sibi poenitentia locum datum, infelix Agrestinus, non cognouisset, ut Eustasij sententia ad iudicium eum inuocantis praualeret, ante triginta dierum circulum quam ventis anni meta compleret, a seruo suo quem ipse redemerat, securi percussus interijt, & occasio criminis dicebatur uxoris permixtio. Hæc Jonas de miserabili interitu Agrestini, Audiat Monitor & timeat, ne cuius peccatum est imitatus, eiusdem etiam exitio diuinitus plectatur. Ego illum ad Dei iudicis seuerum post mortem tribunal non prouoco, sed ad aliud misericordiae plenum, in hac vita poenitentiae tribunal inuito. Persuadere sibi certè debet, se grauissimam Dei offensam incurrisse, vel ob solum mendacij perniciosi crimen. Non est nescius se perniciosè, de Societate esse mentitum, sed nec ignorat quantopere Deus mendacio, in perniciem proximi dicto, offendatur. *Abominatio est Domino, labia mendacia.* Et, *Perdes omnes qui loquentur mendacium.* Et rursum: *Tota die iniustitiam cogitauit lingua tua, sicut nouacula acuta fecisti dolum. Dilexisti malitiam super benignitatem, iniquitatem magis quam loqui aquitatem. Dilexisti omnia verba precipitationis lingua dolosa. Propterea Deus destruet te in finem, & euellet te, & emigrabit te de tabernaculo tuo, & radicem tuam de terra uiuentium.* Eiusmodi terrificas scripturae sacrae denuntiationes, contra mendaces & calumniatores insidiosos prolatas, Monitor examinet, & timorem sanctum concipiat, quo ad peccatum suum agnoscendum detestandum, & debita poenitentia expiandum inducatur, ut grauissimam offensi Dei vindictam, uiuus & mortuus effugiat. Quod ut illi eueniat, Deum precor.


Prou: 12.


Psal: 51.

F I N I S.









sldr0001595

